

اتوار 24 نومبر، 2019ء

مضمون۔ جنتے بدن

سنہری متن: افسیوں 5 باب 23 آیت

”مسیح کلیسیا داسراے تے اوہ آپ بدن نوں بچاون والاے“

جوابی پڑھائی: یسعیاہ 55 باب 3، 6، 8، توں 11 آیتاں

- 3- کن لاوتے میرے کول آو سنوتے تہاڈی جند زندہ رہوے گی۔
- 6- جدوں تیکر خداوند مل سکدا اے اوہدے طالب ہووو۔ جدوں تیکر اوہ نیڑے اے اوہنوں پکارو۔
- 8- خداوند آکھدا اے پئی میرے خیال تہاڈے خیال نہیں تے نہ تہاڈیاں راہواں میریاں راہواں نیں۔
- 9- کیوں جے جنماں آسمان دھرتی توں اچا اے اوہنیاں میریاں راہواں تہاڈیاں راہواں توں تے میرے خیال تہاڈے خیالاں توں اچے نیں۔

10- کیوں جے جیویں آسمان توں بارش ہندی تے برف ڈگدی اے تے فیر اوتھے پرت کے نسیں جانندی بلکہ دھرتی نوں سیراب کردی اے تے اوہدی شادابی تے روئیدگی داباعث ہندی اے تاں جوں بیجن والے نوں بیج تے کھان والے نوں روٹی دیوے۔

11- ایخ ای میرا کلام جیہڑا میرے منہ توں نکلا اے ہووے گا۔ اوہ انجام میرے کول پرت کے نہ آوے گا بلکہ جو کجھ میری خواہش ہووے گی اوہ اوہنوں پورا کرے گا تے اوس کم وچ جیدے لئی میں اوہنوں گھلیا اے موثر ہووے گا۔

درسی وعظ

بائبل وچوں

1- زبور 22:34 آیت

22- خداوند اپنے بندیاں دی جند داندیہ دیندا اے تے جیہڑے اوہدے اُتے بھروسہ کردے نیں اوہناں وچوں کوئی مجرم نہ ٹھہرے گا۔

## 2- زبور 107:8،9 آیتاں

- 8- کاش لوکی خداوند دی شفقت دی خاطر تے بنی آدم لئی اوہدے عجیب کماں دی خاطر اوہدی تمجید کر دے!  
9- کیوں جے اوہ ترسدی جندنوں رجھاؤندا اے تے پگھی جندنوں نعمتاں نال مالامال کر دالے۔

## 3- دانی ایل 1 باب 1،3،6،8 (توں؛)، 11،15،18 (فیر) توں 20 آیتاں

- 1- شاہ یہوداہ یویا قیم دی سلطنت دے تیجے ورھے وچ بابل دے بادشاہ نبوکدنصر نے یروشلیم اتے چڑھائی کر کے اوہدا محاصرہ کیتا۔  
3- تے بادشاہ نے اپنے خواجہ سراں دے سردار سپینزنوں حکم دتا پئی بنی اسرائیل وچوں تے بادشاہ دی پیڑی تے شریفاں وچوں لوکاں نوں حاضر کرے۔  
4- اوہ بے عیب جوان بلکہ خوب صورت تے حکمت وچ ماہر تے ہر لحاظ نال سیانے تے صاحب علم ہوون جنہاں وچ ایہہ خوبی ہووے پئی اوہ شاہی قصر وچ کھلوتے رہن تے اوہ اوہناں نوں کسدیاں دے علم تے اوہناں دی بولی دی تعلیم دین۔  
5- تے بادشاہ نے اوہناں لئی شاہی خوراک وچوں تے اپنے پتردی مے وچوں روزدا وظیفہ مقرر کیتا پئی تن ورھیاں تیکر اوہناں دی پرورش ہووے تاں جولہسدے بعد اوہ بادشاہ دے حضور کھلو سکن۔  
6- تے اوہناں وچ بنی یہوداہ وچوں دانی ایل تے حننیاہ تے میسائل تے عزریاہ سی۔

8- پردانی ایل نے اپنے دل وچ ارادہ کیتا پئی اپنے آپ نوں شاہی خوراک نال تے اوہدی مے نال جیہڑی اوہ پیندا سی ناپاک نہ کرے ایس لئی اوہنے خواجہ سراں دے سردار نوں درخواست کیتی پئی اوہ اپنے آپ نوں ناپاک کرن توں معذور اے۔

11- فیردانی ایل نے داروغے نوں جنہوں خواجہ سراں دے سردار نے دانی ایل تے حننیاہ تے میسائل تے عزریاہ تے مقرر کیتا سی آکھیا۔

12- میں تیری منت کرداواں پئی توں دس دناں تیکر اپنے خادماں نوں آزماکے ویکھ تے کھان لئی ساگ پات تے پین لئی پانی ساہنوں دوا۔

13- فیرساڈے مکھڑے تے اوہناں لوکاں دے مکھڑے جیہڑے شاہی کھانا کھاندے نیں تیرے حضور ویکھے جاوون۔ فیر اپنے خادماں نال جو توں مناسب سمجھیں اوہ ای کر۔

14- ایس لئی اوہنے اوہناں دی ایہہ گل من لئی تے دس دناں تیکر اوہناں نوں آزما یا۔

15- تے دساں دناں بعد اوہناں دے مکھڑیاں اُتے اوہناں ساریاں جو اناں دے مکھڑیاں دی نسبت جیہڑے شاہی کھانا کھاندے سی بوہتی رونق تے تازگی نظر آئی۔

18- تے خواجہ سراں دے سردار اوہناں نوں نبوکد نصر دے حضور لے گیا۔

19- تے بادشاہ نے اوہناں نال گل بات کیتی تے اوہناں وچوں دانی ایل تے حننیاہ تے میسائل تے عزریاہ وانگر کوئی نہیں سی۔ ایس لئی اوہ بادشاہ دے حضور کھلون لگے۔

20- تے ہر طرح دی خرد مندی تے دانش وری دے باب وچ جو کجھ بادشاہ نے اوہناں نوں پوچھیا اوہناں نوں سارے فالگیراں تے نجومیاں نالوں جیہڑے اوہدے سارے ملک وچ سی دس درجے چنگا پایا۔

## 4- 1 کرنتھیوں 6 باب 19، 20 آیتاں

19- کیہ تسی نسیں جان دے پئی تہاڈا بدن روح پاک دامقدس اے جیہڑا تہاڈے وچ وسیا ہو یا اے تے تہانوں رب ولوں ملیا اے؟ تے تسی اپنے نسیں۔

20- کیوں جے قیمت نال خریدے گئے اوہ۔ ایس لئی اپنے بدن توں رب دا جلال ظاہر کرو۔

## 5- متی 12 باب 1 (یسوع) (توں؛)، 22 توں 28 آیتاں

1- اوس ویلے یسوع سبت دے دن کھیتاں وچ ہو کے گیا۔

22- اوس ویلے لوک اوہدے کول اک انھے گونگے نوں لیائے جیدے وچ ناپاک روح سی۔ اوہنے اوہنوں چنگا کر دتا۔ ایس لئی اوہ گونگا بولن تے ویکھن لگ پیا۔

23- تے سارا جتھا حیران ہو کے آکھن لگیا پئی کیہ ایہہ داؤد اپتر نسیں؟

24- فریسیاں نے آکھیا پئی ایہہ بدر و حواں دے سردار بعزل بول دی مدد باہجوں بدر و حواں نوں نسیں کڈھدا۔

25- اوہنے اوہناں دے خیالاں نوں جان کے آکھیا جیہیں بادشاہی وچ پھٹ پیندی اے اوہ ویران ہو جاندی اے تے جیہڑے شہر یا گھر وچ پھٹ پوے گی اوہ قائم نہ رہوے گا۔

26- تے جے شیطان ای نے شیطان نوں کڈھیا تے اوہ اپنا آپ مخالف ہو گیا۔ فیر اوہدی بادشاہی کیوں قائم رہوے گی؟

27- تے جے میں بعلزبول دی مددناں بدروحواں نوں کڈھداواں تے تہاڈے پتر کیدی مددناں کڈھدے  
نیں؟ ایس لئی اوہ ای تہاڈے منصف ہون گے۔

28- پر جے میں رب دی روح دی مددناں بدروحواں نوں کڈھداواں تے رب دی بادشاہی تہاڈے کول اپڑ گئی  
اے۔

## 6- رومیوں 8 باب 1، 2، 23، 22 آیتاں

1- ایس لئی ہن جیسرے مسیح یسوع وچ نہیں اوہناں اُتے سزا دا حکم نہیں۔

2- کیوں جے حیاتی دے روح دی شریعت نے مسیح یسوع وچ مینوں پاپ تے موت دی شریعت توں آزاد کر  
دتا۔

22- کیوں جے ساہنوں پتہ اے پئی ساری مخلوق رل کے ہن تیکر کر اہندی اے تے شدید درد وچ پئی تڑپدی  
اے۔

23- تے نہ صرف اوہ ای بلکہ اسی وی جنہاں نوں روح دے پہلے پھل ملے نہیں آپ اپنے بدن وچ کراہنے آں  
تے لے پاک یعنی اپنے بدن دی مخلصی دی راہ دیکھدے آں۔

## 7- 2 کرنتھیوں 5 باب 1 توں 8 آیتاں

- 1- کیوں جے اسی جان دے آں پئی جدوں ساڈا خیمے دا گھر جیہڑا دھرتی اُتے اے سٹ دتا جاوے گاتے ساہنوں رب ولوں آسمان اُتے اک اجیہی عمارت ملے گی جیہڑی ہتھ دابنیا ہو یا گھر نہیں بلکہ ابدی اے۔
- 2- ایس لئی اسی ایہدے وچ کراہنے آں تے وڈھی امید رکھدے آں پئی اپنے آسمانی گھر نال ملبس ہو جائیے۔
- 3- تاں جوں ملبس ہوون دے پاروں ننگے نہ پائے جائیے۔
- 4- کیوں جے اسی ایس خیمے وچ رہ کے بوجھ دے مارے کراہنے آں۔ ایس لئی نہیں پئی ایہہ کپڑے لاونا چاؤنے آں بلکہ ایہدے اُتے ہو رپاونا چاؤنے آں تاں جو اوہ جیہڑا فانی اے حیاتی وچ غرق ہو جاوے۔
- 5- تے جسے ساہنوں ایس گل لئی تیار کیتا اوہ رب اے تے اوہنے ای روح بیعائے وچ دتی۔
- 6- ایس لئی ہمیشہ ساڈی خاطر جمع رہندی اے تے ایہہ جان دے آں پئی جدوں تیکر اسی بدن دے وطن وچ آں خداوند دے وطن توں جلا وطن آں۔
- 7- کیوں جے اسی ایمان اُتے اُردے آں نہ پئی اکھیاں دے ویکھے اُتے۔
- 8- ایس لئی ساڈی خاطر جمع اے تے ساہنوں بدن دے وطن توں وکھ ہو کے خداوند دے وطن وچ رہنا بوہتا منظور اے۔

## 8- 1 تھسلیٹیکوں 5 باب 23 آیت

- 23- رب جیہڑا اطمینان دا چشمہ اے آپ ای تہانوں بالکل پاک کرے تے تہاڈی روح، جنت تے بدن ساڈے خداوند یسوع مسیح دے آون تیکر پورے پورے تے بے عیب محفوظ رہن۔

## سائنس تے صحت

1- 26:477 صرف

انسان روح دا اظہار اے۔

2- 16:335 (رب)-20، 21، 22-24

رب تے روح اک نیں، تے ایہہ اتحاد کدی وی محدود سیان یا اک محدود بدن وچ شامل نہیں ہندا۔۔۔ کیوں  
جے روح لافانی اے، ایس لئی ایہہ لافانیت وچ وجود نہیں رکھدی۔۔۔ روح دے بارے جھوٹے فہم نوں  
گوان نال اسی حیاتی دے ابدی راز پاسکدے آں جیویں لافانیت نوں لو وچ لیا یا جاندا اے۔

3- 12-9، 7-2:427



حیاتی جند دا قانون اے، ایٹھوں تیکر پئی سچائی دی روح دا قانون وی، تے جند کسے نما سئدہ کار دے بنا کدی نئیں  
ہندی۔ انسان دی انفرادیت اپنے ضمیر وچ کدی مر سکدی اے نہ غائب ہو سکدی اے جیویں پئی جند ہو سکدی  
اے کیوں جے دونوں لافانی نیں۔۔۔ ایس توں پہلاں پئی حیاتی نوں سمجھیا تے ہم آہنگی نوں حاصل کیتا جا  
سکے، ایس بھروسہ اُتے سائنس دے پاروں مہارت حاصل ہونی چاہیدی اے پئی وجودیت مادے دا عارضی  
حصہ اے۔

4 9-25:119

سورج نکدیاں ویکھدیاں ہوئے کوئی بندہ ایہہ من دا اے پئی ایہہ منظر ساڈے حواساں لئی ایس بھروسے دی  
مخالفت کر دا اے پئی دھرتی حرکت وچ اے تے سورج ساکت اے۔ جیویں علم فلکیات نظام شمسی دی  
حرکت دے بارے انسانی نظریے نوں تبدیل کر دا اے، اینج ای کر سچن سائنس جنتے بدن دے دیدنی  
تعلق نوں تبدیل کر دی اے تے بدن نوں سیان لئی معاون بناؤندی اے۔ ایس لئی ایہہ انسان اُتے انحصار کر دا  
اے جیہڑا آرام دہ سیان دا حلیم خادم ہوون دے سوا کجھ نئیں، بھانویں دوجی صورت وچ ایہہ فہم نوں محدود  
کرن دے برابر اے۔ پر اسی ایہنوں کدی وی سمجھ نئیں سکاں گے جدوں تیکر اسی ایہہ نئیں من دے پئی جند  
مادے دے پاروں بدن یا سیان وچ اے تے ایہہ پئی انسان کم عقلی وچ شامل اے۔ جند یا روح رب اے؛ نہ  
بدلن والا تے ابدی؛ تے انسان جند، رب دے نال وجودیت رکھدا تے اوہدی عکاسی کر دا اے، کیوں جے  
انسان رب دی شبیہ اے۔

سائنس بدنی حساں دی جھوٹی گواہی نوں تبدیل کردی اے، تے ایس تبدیلی دے پاروں انسان ہستی دے بنیادی حقائق تیکر اڑدے نیں۔

5- 15:120(۳)

صحت مادے دی حالت نہیں بلکہ سیان دی حالت اے؛

6- 24-12:388

ایہناں مفروضیاں نوں قبول کرے پئی خوراک حیاتی دی غذائیت اے؛ تے ایہدے بعدوں دو جے پاسے اک ہو ر اعتراف دی لوڑ پیندی اے، ایہہ پئی خوراک وچ کسے کمی یا زیادتی، معیار یا مقدار دے پاروں حیاتی، رب، نوں برباد کرن دی قوت پائی جاندی اے۔ صحت دے بارے سارے مادی مفروضیاں دی مبہم فطرت دا ایہہ اک نمونہ اے۔ ایہہ خود مخالف تے خود کش نہیں، جیہڑے قائم کردے نیں اک اجیہی ”سلطنت جیدے وچ پھٹ پے جاوے“ تے اوہ ”ویران ہو جاندی اے“۔ جے اپنے چیلیاں لئی کھانا یسوع ولوں تیار کیتا گیا ہووے تے ایہہ حیاتی نوں برباد نہیں کر سکدا۔

اصلیت ایہہ اے پئی خوراک انسان دی ساری حیاتی نوں متاثر نہیں کردی، تے جدوں اسی ایہہ سکھدے آں پئی رب ساڈی حیاتی اے تے ایہہ اپنے آپ ظاہر ہو جاندی اے۔

بائبل دا ایہہ سبق پلین فیلڈ کرچن پرچ، آزاد ولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیا اے۔

7- 30-26:220

ایہہ بھروسہ پئی روزہ یا نیوتا انسان نوں اخلاقی یا بدنی طور تے بہتر بناؤندے نیں ”چنگیائی یا بریائی دی پچھان دے درخت“ دے پھلاں وچوں اک اے جیدے بارے رب نے آکھیا، ”تسی ایہنوں بالکل نہ کھانا۔“

8- 25-22:442

مسیح، سچائی بشر نوں اوس ویلے تیکر عارضی خوراک تے کپڑے فراہم کردا اے جدوں تیکر مادا، نمونے دے نال تبدیل ہو کے، غائب نہیں ہو جاندا، تے روحانی طور تے ملبوس تے رُجھ جاندا اے۔

9- 10-7:176

خوراک دے بارے خیالاں نوں نہ جانن دی تاریخی روایت نے ٹیڈتے پیالیاں نوں فطرت دی فرمانبرداری کرن لئی آزاد کیتاتے انجیل نوں بدن اُتے اپنے جلالی اثر ظاہر کرن دا موقع دتا۔

10- 23-15:168

بائبل دا ایہ سبق پلین فیلڈ کرچن پرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسری سیکریٹری دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیریں نال بنیاں۔

کیوں جے انسان دے بنائے ہوئے نظام ایس گل اُتے زور دیندے نیس پئی رب دے قانوناں دے نال پوری مطابقت رکھدیاں ہوئے انسان بیمار تے ناکارہ ہو جاندا، تکلیف جھلدا تے مر جاندا اے، کیہ ساہنوں ایہدے اُتے بھروسہ کرنا چاہیدا اے؟ کیہ ساہنوں جیسے اختیار اُتے بھروسہ رکھنا چاہیدا اے جیہڑا کمالیت دے بارے رب دے روحانی حکم توں انکاری اے، اجیہا اختیار جنہوں یسوع نے غلط ثابت کیتا؟ اوہنے پیودی مرضی نوں پورا کیتا۔ اوہنے اوہدے انحراف وچ بیماری توں شفا دتی جنہوں مادی شریعت آکھیا جاندا اے، پر رب دی شریعت، سیان دی شریعت دے مطابق۔

11- 390:4-18، 23-26

اسی ایہدے توں انکار نہیں کر سکدے پئی حیاتی خود پرور اے، تے ساہنوں روح دی ہمیشہ والی ہم آہنگی توں انکار نہیں کرنا چاہیدا، کیوں جے، ظاہری احساساں وچ اختلاف ہندا اے۔ ایہہ رب، الہی اصول، توں ساڈی ناواقفیت اے جیہڑی ظاہری اختلاف نوں جنم دیندی اے، تے ایہدے بارے چنگی سوچ ہم آہنگی نوں بحال کر دی اے۔ سچی تفصیل وچ ساہنوں مجبور کرے گی پئی اسی سارے خوشیاں تے دکھاں دے فہم داحیاتی دیاں خوشیاں دے نال تبادلہ کریئے۔

جدوں بیماری دیاں پہلیاں علامتاں سامنے آؤندیاں نیس، الہی سائنس دے نال مادی حساں دی گواہی اُتے بحث کریئے۔ انصاف دے بارے تسی اُچے فہم نوں مادی آراء داجوٹھا مرحلہ بر باد کرن دیو جنہوں تسی قانون دانان دیندے اوہ، فیر تسی بیماری والے کمرے تیکر محدود نہیں رہو وگے نہ ای تسی اخیر می سکدے دین تیکر، غلطی

بائبل دا ایہ سبق پلین فیلڈ کرچن پرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کئی دے نال“ وچوں لیاں ہوئیاں لازمی تفسیراں نال بنیا اے۔

دی طلب کیتی ہوئی سزاء تیکر، پیڑاں والے بسترے اُتے لیٹے رہو وگے۔۔۔ تہاڈے کول پاپ یا بیماری وچ کسے اک دی لوڈ دی حمایت لئی اوہدا کوئی قانون نہیں اے، پر تہاڈے کول ایس لوڈ دا انکار کرن تے بیمار نوں شفا دین دا اختیار ضرور اے۔

## 12 - 2-29:391

بدن ولوں ہر شکایت دی ذہنی طور تے مخالفت کرو، پیار دی طراں حیاتی دے اصلی شعور وچ آگے ودھو، اوہناں ساریاں وانگر جیہڑے پاک نہیں تے روح دا پھل پیدا کر دے نہیں۔ ڈر بیماری دا سرچشمہ اے تے تسی ڈرتے پاپ اُتے الہی سیان دے پاروں حکومت کر دے او، ایس لئی ایہہ الہی سیان ای اے جیدے پاروں تسی بیماری اُتے قابو پاؤندے او۔

## 13 - 18-4:393

بدن صرف ایس لئی خود کار و کھالی دیندا اے کیوں جے مادی سیان اپنے آپ توں، اپنے کماں توں تے اوہناں دے نتیجیاں توں بے خبر ہندی اے، ایس گل توں بے خبر پئی سارے بُرے اثراں دی مائل کرن والی، الگ طراں دی تے پر جوش و جہ ناں دی ای مادی سیان، نہ پئی مادے دا قانون اے۔ سیان بدنی حساں دی مالک اے، تے بیماری، پاپ تے موت نوں فتح کر سکدی اے۔ ایس رب دے دتے ہوئے اختیار دی مشق کرو۔ اپنے بدن دی ملکیت رکھو، تے ایہدے احساس تے عمل اُتے حکمرانی کرو۔ روح دی قوت وچ جاگو تے اوہ سب کجھ جیہڑا

چنگیائی ورگانئیں اوہنوں رد کردیو۔ رب نے انسان نوں ایس قابل بنایا اے، تے کوئی وی شے ایس قابل تے طاقت نوں وگاڑنئیں سکدی جیہڑی الہی طور تے انسان نوں دتی گئی اے۔

اپنے ایس فہم وچ مضبوط رہو پئی الہی سیان حکومت کردی اے تے ایہہ پئی سائنس وچ انسان رب دی حکومت دی عکاسی کردا اے۔

14- 14:302 (اجازت دیو)۔ 18، 19-24

-- آؤ یاد کریئے پئی ہم سازتے غیر فانی انسان ہمیشہ توں ہے اے تے مادے دے طور تے وجود رکھدیاں ہوئے کسے فانی حیاتی، جو ہر تے ذہانت نال ہمیشہ اُچا تے پارر ہندا اے۔۔۔ ہستی دی سائنس انسان نوں کامل ظاہر کردی اے، ایٹھوں تیکر پئی جیویں پیو کامل اے کیوں جے روحانی انسان دی جند یا سیان رب اے، جیہڑا ساریاں مخلوقاں دا الہی اصول اے، تے ایہہ ایس لئی پئی ایس حقیقی انسان اُتے فہم دی بجائے روح دی حکمرانی ہندی اے، یعنی شریعت دی روح دی، نہ کہ نال دے ای مادے دے قانوناں دی۔

## روزانہ دے فرض

میری بیکریڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

## مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیش گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہدے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

بائبل دا ایہہ سبق پلین فیلڈ کرچن چرچ، آزاد لوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔

## چرچ مینوئیل، آرٹیکل VIII، سیکشن 6۔